



**ERIONGET LOINAPINAPI NU APOL KAKWAP WOK KERE**



**AINAPETAIT NAIUNIET KANU APOL NA AKWAP WOK KERE  
(NDPIII) 2020/21 – 2024/25**

**Aicoreta nu Ikulepek Akwap**



Julai 2020





**Ainapetai Naiuniet Kanu  
Apol Na Akwap Wok Kere  
NDP III**

**2020/21 – 2024/25**



# Nuejaas Toma

1.	Nuegeete	1
2.	Erot Loitemokitai Aider: Ai Elosi Uganda?	2
3.	Ainapetai Na Icuuman Aitemonokin Ikorion	4
4.	Aitopol Ibokan	6
5.	Aitopol Abar Naelomuni Kakinyet Koipone Lo Ebusi	8
6.	Aitopol Nuka Eilat/Eelatok	10
7.	Eyaitene Lo Isuban Luka Lokasuban Lueyaunete Abar, Ejautene Lo Isuban Luka Lokasuban Lukilukunitos, Aijulakin Na Ikwamin Ka Etepe Lo Edou, Alupok Ka Akipi	12
8.	Aitopol Aswamisio Nu Ikulepek Lumam Eraas Lu Apugan	14
9.	Aiswamaunun Iboro Kocuuman	16
10.	Aimorikikit Eloze, Aduketa Ka Aijaanakin	18
11.	Aitopol Agogong Na Akim Koipone Lo Ebusi	20
12.	Aibwot Aitwasam Akompiutan	22
13.	Aiboisio Aijulakin Araun Itaunin Ka Aiduk Itogoi Koipone Lo Ebusi	24
14.	Aitopol Itunga Araun Eswamak Lueyaunete Ajokisio	26
15.	Apwakunun, Aitopol Ka Akorar Apirianuto	28
16.	Airam Itunga Katutubetakec Ka Aijulakin Aijenekec	30
17.	Ainapetai Na Eipugae Ka Ayuara	32
18.	Aijulakin Aswamisinei Kotoma Apugan	34
19.	Apol Kotoma Ariino	36
20.	Aitolot Etube	37
21.	Aitutub Ikisila, Aimaniman Aswam Ka Abwoikit Itunga	38
22.	Aisilosikin Ainapetai Na Apol	40
23.	Anapetai Na Aimaniman Ka Aipima Aisilosikin Na Ainapetai Kana	42



# 1

# Nuegeete

Nuikila Uganda kanu ikamunitos apol nes aijulakin “Akwap Anyoun kotoma akoru kanu ainyam bon araun Akwap Nakwana ido Kokeriana kotoma okaru 30”. Isilosikitai aitapoet na kotupitete ainapeta nuka akwap wok nuka apol. Ainapeta naka Apol na Akwap wok kere (NDP) nes itemokitai kwape erot loka nutupitono aingarenikiniyo ayaun apol ka aijulakin ejautene loka itunga ka akerianut korai duc kotoma apak naitutubitai. Aitapoet naka Uganda na ikaru 30 nes imoriarit Ainapeta akanyape nuka Apol na Akwapuwok kere kanginidiopo adaun ikaru 5.

Ainapeta napon na Apol naka Uganda kere nes naiuniet kotoma ainapeta nuatupanakinos nuapotu kogeunos okaru 2010/11, ido eponio aitolot ageun okaru 2020/21 toni 2024/25. Alosikinet napolon naka NDPIII, kwape duc emaere nesi, nes aikeun etiai lo apiyai nuedumununei ngol ekal ka aitojok aijar naka itunga luka Uganda, korai aswam naka icuuman itekeri.

Aponi kirereoroi akiro nuaponi kisiaunai kotoma ainapeta nuka NDP nuatuboros itolomunio NDPIII. Imoriaritos nu eipud lo:

- Aiyatakin aibwaikin apiai ka agogong toma owaitin luitolomununete abar toma akerianut.
- Aitiirian apiai ka agogong nuitwasamao kanu ejautene lo itunga ka ngun nuedukere iboro.
- Airereor epelu loka apugan kotoma adoketa nutupitono kanu ayaun apol.
- Aitemokin ationis na aitac itunga lujiaanario alupok.
- Aitolomun eswamak luebeitos ido kojaas ka apirianut naibecokina.
- Ayaun apugan aidunyakina otunga kanu aitojok aitemonokinio naka ipudesia kec luikamunitos apolo.

- Angicun ka aitwasam iwaitin icie luedumunere apiai, ka
- Ajaut ka ainapeta, ebajet ka aisilosikinio naka ainapeta nuimoriaritos ejautene kere loka itunganan.

Egelakina NDPIII kanejaas apaupake nuageete – NDPI ka NDPII – kacut koipone lo aijulakin aitup eipone loitolomunitere ainapeta nuka apol loitunit arucokina kiding iwaitin luegelegela, aiyatakin naka epelu loka apugan kotoma aingarenikin apol aibois na aidetakit akonye osokoni, aitopoloorit nuka aitolomunun eswamak ka iboro ludukon. Iboro luejenere NDPIII kes luta:

- Eipone loitolomunitere ka aisilosikin Ainapeta kotupitete ariino neda eseununitere ariino nuegelegela kanu aitolomun iboro icie lugwelanara kwape erot loitojokere etiai lo iboro luitolomununo komanikor ka aitemonokin kesi (*Area-Based Commodity Planning*).
- Eipone lo ageun kokwap kolosi kuju kodupakitete adoketa naka eitela – Eparis Debelopment Modol (PDM) – lo erai alosikineteke aingarakin itunga kotoma adoketa naka aiyatakin apiai nuedumununete ikalia ka alomar toma akerianut naikamunit isirigin.
- Aimorikikit apedorosio nuka etunganan toma ainapeta ka aisilosikin kesi.
- Elosikit aitogogong ka aitanyanyaar ajokisio nuadumakisi NDPI ka NDPIII itunga nuimoriaritos:
- Aipuc naiyatakit ajaut toma akwap wok kere.
- Aitopoloor irwan aarei etiai lo akerianut wok.
- Aitopol etiai lo iboro lu eyanganario agwelanar akwapin nukokinga.
- Iboro luedukitai luitojokitai,
- Aiyatakin na itunga aitwasam aijaanakinio kotoma adekisia ka aiboisio nuka aisia.

Kotoma apak ngipengin, emoot NDPIII aipikor ainingosia nuapotu ainapeta nuageete kotereikinotor kwape nat:

- Itunga luipu noi eringa ejarete koipone loamanun ka anyamaret kere ngini paaran.
- Eiyas lo enaaba lo itunga lo ikeara noi.
- Etiai lo akim na ekipiei lo ikeara noi;
- Etiai lo apiai nugeunet ka nuitolose agwelanar;
- Ecamusana,

**UGX411.68 trillion**

Nes etiai lo apiai nuebeit  
aitwasam aisilosikina  
ainapeta naka NDPIII

- Aikidiokut na apiai nuetukununei apugan kanu aitodolikin aijaanakina otunga; ka
- Adoketait naka aisiais naijesuna ka apolus na alangir na adekasinei kimoriarite aijasara na eiswamae kotoma adekisia.

Itolomunitai NDPIII koipone lo aineranar na apol noi ka itunga ka iriongeta luegelegela, aimoriarit apugan, ikodeta luka itunga ka ikaapunin luka ikulepek, iriongeta lumam eraas lu apugan,

ikodeta luka idiinin, esisianakinak kadoketa nukokuju ka ipadic kotoma apolo.

Etiai loka apiai kere nuitemitai kanu aitolosio NDPIII nes isirigin ibilionin 411,681 luka Uganda. Kosirigin kalu 67.3 kangul 100 kes elomunete kanejai edula loka apiai nuka apugan kosodi 32.7 kangul 100 kes elemunete itunga arai ikodeta lumam eraas lu apugan luitolosete agwelanar kokaapunin kec bonik.

# 2

## Erot Loitemokitai Aider: Ai Elosi Uganda?

### 2.1 Alosikinet napolon

Alosikinet naka NDPIII nes “Aiyatakina naka apiai nuedumununete ikalia ka Adoketait na aijar na itunga luka Uganda naitojokitai.”

### 2.2 Alosikinet nuitebeikitai:

1. Aikeun ajokis na iboro luitolomununio kotoma arerengeso nuepolok nueyaunete apol.
2. Aitogogong aswamisio nuka itunga arai iriongeta bonik lumam eraas lu apugan kanu aiteker apol ka adukunun aswamisinei kanu eswamak.
3. Aidar ka aiyatakin apedorit aitolomunun iboro lueyaunete abar.
4. Aiyatakin eitolomunune lo iboro ka ejautene lo itunga loejok.
5. Aitogogong epelu loka apugan kotoma aingarenikin ka aingarakin apol.

### 2.3 Ajokisio nuepolok nuka apol nuemunoi alomun

- Aiyatakin naka apiai nuedumununenei ngol ekal;
- Adoketait naka aijar naka itunga luka Uganda naitojokara;
- Aiduk icuuman luitemonokinete ikorion ka ibokan;
- Aiyatakin naka eilat loetacere isirigin;
- Aiyatakina naka itunga acamun aitwasam aijaanakinio naikamunit apirianut nakwana naka akompiuta adumunia, angad ka aitolosio akiro.
- Aiyatakin na alupok nuiwadikauna kojaas ka abaluan nu ikulepek kotoma apugan;
- Apol nainyikokit alosit ngaren naka agwelanar naitolosete itunga ka iriongeta ikulepek lumam eraas lu apugan;
- Aitogogong ka aiyatakin aiduk iboro luingarakinete aitolomunun iboro lueyaunete abar;
- Eswamak luitojokitai apedor kec na aitolomunun iboro; ka
- Aijaanakin itunga naitojokitai.

Kotoma aisilosikin NDPIII, emunoi ebe ebuni enaaba lo itunga luicanas aijesun kwap; ejaun aiyatakinet naelomuni kocuuman toma otiai loka iboro kere luka abar naitolomununei akwap wok; ebuni ewai lo akoru ailel kede esipidi lo apol loikeara; ijusun enaaba loka atumunak luemamete aswamisinei; ebuni etiai lo iboro lu eyanganario agwelanar akwapin nukokinga aiyatakin; ido ebuni enaaba lo itunga lu ejarete ka akoru kanu inyamat bon adisiar.

## 2.4 Ipurojekitan luepolok

Icie kopurojekitan 69 luapolok luejaas toma NDPIII kes epote aimoriarit:

- Ecuuma loiswamaere ebolea.
- Asipokin iponesio lu aicoco akipi oraan.
- Aiyatakin eipone lo itunga apedorit adumun kotemwan kec acuuman kanu aitwasam aitolosio aswamisinei kec.
- Adukun atuputupeta nuerikos nuitemonokinere emwanyi araun ekaawa loejok noi.
- Adukun atuputupeta nuerikos nuitemonokinere akwi nu amajani araun amajani naejok noi.
- Ekolero lo edukere aturakitan.
- Ekolero lo edukere amotokan.
- Icuuman luiswamaete igoen.
- Icuuman luiswamaere asua.
- Acuuma najijililiere akinyet ko Hoima.
- Apaipo naitolosi Akinyet kotoma Kide na Africa.
- Irotin luitoritos ikelatok.
- Irotin luitwasamao kanu ayanganar iboro agwelanar kakwapin nukoidunyet.
- Erot lo Kampala toni Jinja loelal loepatanikit amotokan arasit kotoma.
- Edoket lo Bukasa lokotoma.
- Aitojokio naka aijaanakin kotoma apotipotin.
- Alwere nakwana na ekeriata agaalin atipet kosipiidi.
- Aijainikin ebank loka Uganda Development Bank (UDB) ka Uganda Development Corporation (UDC) apiai kanu akoranakin itunga ageanaria arai aitolosio aswamisinei.
- Ekaapuni loka Uganda kere Loeyait nu Akinyet ka loka esimu loka Uganda Telecoms (UTL).
- Adukunokin isokonin lukokoruon luitwasamao kanu ayanganar ka agwelanar iboro akwapin nukokinga.
- Aimar alupok nuejaas kodoco.
- Alaro naka Apirianut na Akompiuta naemorio.
- Isuulai arai ka Anyukutan nuejenere Akwap wok ijukio ibaluan ka Aiteten Eipone loejenere Aiboisio nu Akwap wok kamaapun.
- Itogoi luinyutakina Oibuga Kampala.
- Adekis naejok kakere kanu amukian adekasinei nu etau.
- Aiboisio nuimukeere ekansa kariino aarei.
- Adukun aiboisio nuedukonokinio icuuman lu etatai.
- Aisikwaruun bobo eipamorane lo asosaitin.
- Aboisio nuka sayans ka apirianuto.
- Aiboisio 40 nuingarakinete apirianuto nuetatai ka agwelanar nugeuna apolo.
- Ainapetai na lkeswamak Luijaanakinete Apugan na Akwap wok kere.

## 2.5 Ainapeta nuka NDPIII

1. Aiduk Icuuman luitemonokinete lkorion.
2. Aitopol Ibokan.
3. Aitopol Abar Naelomuni Kakinyet koipone lo ebusi.
4. Aitopol Nuka Eilat/Eelatok.
5. Eyaitene lo Isuban luka Lokasuban Lueyaunete Abar, Ejautene lo Isuban luka Lokasuban Lukilukunitos, Aijulakin na lkwamin ka Etepe lo Edou, Alupok ka Akipi.
6. Aitopol Aswamisio nuka Itunga ka Iriونغeta bonik lumam eraas lu Apugan.
7. Aiswamaunun Iboro Kocuuman.
8. Aimorikikit Eloze, Aduketa ka Aijaanakin.
9. Aitopol nu Agogong na Akim koipone lo Ebusi.
10. Aibwot Aitwasam Akompiutan.
11. Aiboisio Aijulakin Araun Itaunin ka Itogoi Koipone lo Ebusi.
12. Aitopol Itunga Araun Eswamak Lueyaunete Ajokisio.
13. Apwakunun, Aitopol ka Akorar Apirianuto.
14. Airam Itunga katutubetakec ka Aijulakin Aijenekec.
15. Ainapeta nuka Eipugae ka Ayuara.
16. Aijulakin Aswamisinei kotoma Apugan.
17. Apol kotoma Ariino.
18. Aitolot Etube.
19. Aitutub Ikisila, Aimaniman Aswam ka Abwoikit itunga.
20. Aisilosikin Ainapetai na Apol.



# 3

## Ainapetai Na Icuuman Aitemonokin Ikorion



### Ne ijai oni kopana

Apol na ewai lo akoru nes kopana erai 3.4 kangul 100 kangulikaru adaun kwana ikaru ikany konye ejai kwap naka esuula lo 6 kangul 100 kwape neelosikitos Aitapoet na 2040 (*Vision 2040*) ka na NDPII. Eringa ewai lo akoru abwai kopone ke kere nejai ekuse ka etepe lo edou ido ikeswamakake luipu noi mam eraas luitutuoritai, ibore do yen ijesunit kwap noi etiai loka ikorion luitolomununo.



### Ne ikoto oni ajaikin

- Aiyatakin naka agwelanar ka elaagano lo aitolomununio ka aitemonokin iboro luitolomununei akoru.



### Eipone loitemokitor oni aidol ngina

- Aiyatakin etiai ka iboro luitolomununei akoru ka eipone loitolomununere kesi.
- Aitojok eipone lo atingit ka aingad iboro kedaun asakun.

- Aitojok aitemonokinio ka aiyat ajokis toma oboro luitolomununei akoru.
- Aiyatakin iboro luitolomununei akoru apedorit adolenen ka ailaagan kosokonin lukotoma ka lukokinga.
- Aiyatakin aramun ka apedor na eiirian na adumun ka aitwasam apiai kanu akoru.
- Aitogogong arucokina na iriongeta kanu aitojok aitodolinikin aijaanakin otunga.



### Aijulakinet naimoot oni

- Aiyatakin etiai loka iboro kere luegwelanario akwapin nukokinga luitolomununei akoru kodaunitete aitemonokin kocuuman - ekawa, amajani, agaria, akile ka iboro luitolomuno kotoma kec, akiring, ka ekirididi (ka iboro luitolomunio kotomake).
- Aitidisiar agwelununio naka inyamat lueraas ekirididi, alos, imomwa arai engano, akinyet ka esukali ageun kosirigin lu America imilionin 931 toni imilionin 500.
- Aiyatakin apol na akoru.
- Aikeun eipone loitolomununiata eswamak iboro kotoma adoketa nuerikos iyatanakinio ajokis toma okorion.
- Aiyatakin enaaba lo aswamisinei nuetacere eropit nuedukununio araun 180,000 kangolikaru kotoma otatai loikamunit akoru.
- Aitidisiar enaaba loka ikalia luejarete kotoma akoru kanu inyamat bon ageun ko 68.9 kangul 100 toni 55 kangul 100.
- Aikeun enaaba lo ikalia luejaas ka inyamat luedolitos ageun ko 60 kangul 100 toni 90 kangul 100.

180,000

Enaaba lo aswamisinei nuetacere eropit nuitemitai aiyatakin kotoma otatai loikamunit akoru

### Nuilosi oni aswam kanu aidol ngina



- Adukun ka aisilosikin adoketa nuajokak nuka aitodolikin aijaanakin otunga.
- Arior arucokina naka aswam naka Erionget lo Eyait nu Adukun Abar (*Operation Wealth Creation*) toma oiswamae lo apugan ka aisilosikin nesi kwape ekisil lo apugan.
- Aanyun ebe ikamunete akoriok aitwasam apirianuto nuisisianakinio kosomeroi lu akoru.
- Aisikwarun ainapeta nu isitowan luapolok aijaunun ka agwelanar iboro luitolomununei akoru.
- Aisilosikin Ainapeta na Apol Koitela (*Parish Development Model*) ne eponere aitemonokin akoriok kosodete aigang kesi aiyatakin etiai lo iboro luitolomununete kesi ka eipone loitolomununiata, ka atukonokin ka agwelanar iboro luitolomuni akoru nepepe. Eponio aitwasam itela kwape aiboisio nuitodolinikinere aitolomununio ka agwelanar na iboro, ka nuedumununiata akoriok apiai kanu akoru ka ne etukununere akiro nuikamunitos aswamisinei nuikamunitos akoru.

### Ipurojekitan luepolok



- Epurojekit lo ecuuma lo inyalere ka aitwasam ebolea kanu aiyatakin aitwasamao na ebolea toni ikiloi 25 kangin *hectare* (ekas aarei ka atutubet) anyoun kokiloi 2.5.
- Ekolero loedukere aturakitan.
- Adukun ainapeta nu aicoco akipi oraan.
- Aitolomunun, aitetemor ka agwelanar ikee luisikio oraan ka obaren.
- Aingadio ka atingit na iboro luitolomuni akoru akaulo na asakun.
- Aitopol adoketa nuerikos nu aitolomunun ka aiyat ajokis toma na ekawa (emwanyi), amajani ka agaria.



# 4

## Aitopol Ibokan



### Ne ijai oni kopana

Ejaas Uganda ka ibokan luipu noi luitolomunete asua luijesuna eipone loebokununere naarai mam engicunitai ka asisiaun etiai kec, ikabokak ludidik kes irumiaritos ewai lo, mam ainapetai na ipugatare ewai lo ilosikina ejok ido edit itunga arai ikaapunin lumam eraas lu apugan ajaut tomake.



### Ne ikoto oni ajaikin

- Eitwasamae ka aiyasio na ajokis toma oboro lubokan kanu aitopoloun etatai kec kouruuni aswamisinei nuetacere eropit.



### Eipone loitemokitor oni aidol ngina

- Aiyatakin angicun nejaas ka ajenun etiai lo ibokan luingarenitos ka iboro luejaas kwap toma alupok luedumunere agogong na akim.

- Aiyatakin itunga acamun ka aitwasam etatai loibecokina ido kopatana etiaike.
- Aitogogong ainapetai na ekisil ka eipugae loeyait ibokan ka apedorit na itunga ka iriongeta.
- Aiyatakin aibwaikin apiai toma aibok ka aiyat ajokis toma obokan.
- Aitanyanyaar aitemonokinio ka agwelanar naikamunit ibokan.



### Aijulakinet naimoot oni

- Aitidisiar etiai loka asua (*iron* ka *steel*) nuegwelunio kakwapin nukokinga anyoun kosirigin lu America USD imilionin 370 toni imilionin 96.
- Aitidisiar aipues ka etiai loka ibolean luegwelunio kakwapin nukokinga kede 75 kangul 100.
- Aiyatakin aipolus ka etiai loka esabu loijililitai loegwelanario akwapin nukokinga anyoun kosirigin lu America USD imilionin 450 toni imilionin 787.
- Aiyatakin enaaba ka apirianut naka ipiriotin luka sayans kotoma akiro nuka ejautene loka iboro luejaas kwap toma alupok.
- Aiyatakin apolus na ebokat loenyaritai ekopa (*copper*) loitolomunio toni itaanin 2,000 (ikiloi imilionin 2).
- Aiyatakin einer lo ibokan luitemonokitai araun iboro luiswamaunitai ajaut oboro luegwelanario akwapin nukokinga anyoun 5 kangul 100 toni 7.1 kangul 100.
- Aiyatakin aitwasamao na iboro lueraas asua (*steel*) anyoun ikiloi 13.1 toni ikiloi 30 kangin itunganan.
- Aiyatakin etiai lo apiai nuibwaikinio toma angicunun ka aitemonokin ibokan lueseunitai anyoun isirigin lu America USD ibilionin 0.8 toni ibilionin 2.

### Nuilosi oni aswam kanu aidol ngina



- Adukun ka aisilosikin adoketa nuajokak nu aitodolinikin aijaanakin naikamunit ibokan otunga.
- Angicunun nejaas ibokan ka ajenun etiai loka ibokan luingarenitos luejaas toma akwap wok kere.
- Aitojok ainapetai na ekisil ka eipugae loeyait ibokan ka apedorit naka itunga ka iriongeta.
- Aiyatakin aibwaikin apiai toma aibok ibokan ka aiyat ajokis tomakec.
- Aitanyanyaar aitemonokin ka agwelanario na ibokan.

### Epurojekt loapolon



- Adukun acuuman nuitolomunenete asua.



# 5

## Aitopol Abar Naelomuni Kakinyet Koipone Lo Ebusi



### Ne ijai oni kopana

Ejaas Uganda ka apipai (*barrels*) nu akinyet ayapikin ibilionin 6.5 (ngin apipa ilelebi ilitai 159) ido ibilionin 1.4 kangun kes inyakunos. Abarara na ekwam loinoka nes itemitai bala edoli *cubic feet* ibilionin 500 (ngin *cubic feet* eriakas ka ilitai 28.317). Ejulakin ewai lo anyoun kotoma angicunun ka aipimao toni kwana angicunun ka aitemonokin kanu ageun aitolomunun akinyet.



### Ne ikoto ajaikin

- Etiai loekorakina ejok lo ajokis naka iboro luelomunete kakinyet lu itunyete apol na akerianut koipone lo apak naedolit ka lo ebusi.



### Eipone loitemokitor oni aidol ngina


- Aisuburikin aitolomunonio ka aitwasamao na ebusi na iboro luelomunete kakinyet ka ekwam loinoka luejaasi akwap wok.
- Aitogogong eiswamae, ekisil ka ainapeta nuipugatere etatai loikamunit akinyet.
- Aitogogong apedorit na iriongeta luiswamaete etatai loikamunit akinyet ka ekwam loinoka.
- Aikeun apedorit na itunga ikulepek lukakwap wok alomarit toma aswamisinei nuikamunitos akinyet ka ekwam loinoka.
- Aitopol itunga ikulepek ka ikaapunin lumam eraas lu apugan aibwaikin apiai kec toma aswam na aitolomunun ka agwelanar akinyet ka ekwam loinoka.
- Aikeun adoketait najokan, angaleu, ayuara ka ejautene lo isuban luka Lokasuban luilukunitos oni.
- Aitojok ayuara kotoma akoranar iboro lujililiunitai kanejai akinyet.

- Aiyatakin na enaaba lo itunga luka Uganda luejaas toma aswamisinei kocuuman luka akinyet ka ekwam loinoka anyoun 3,400 (kokaru 2019) toni 50,000.



### Nuilosi oni aswam kanu aidol ngina

- Aitogogong ikisila ka eiswamae luipugatere etatai lo.
- Aikeun apedorit naka itunga ka ikaapunin lupo Uganda alomarit toma aswam na ewai kalo.
- Aitopol itunga ikulepek ka ikaapunin lumam eraas lu apugan aibwaikin apiai kec toma aswam na aitolomunun ka agwelanar kowai kalo.
- Aitojok ayuara kotoma akoranar iboro lujililiunitai kanejai akinyet.



### Ipurojekitan luepolok

- Acuuma nako Hoima najililiere akinyet.
- Apaipo napolon naitolosere akinyet namam ijililitai kakwapin nuko Kide na Africa.



### Aijulakinet naimoot oni

- Aiyatakin angadio na iboro kakwap wok kere na iboro lujililiunitai kotoma akinyet anyoun ilitai imilionin 99.1 toni ilitai imilionin 150.
- Aiyatakin isirigin luedumunune apugan kotoma akinyet ka ekwam loinoka anyoun kosirigin luka Uganda ibilionin 62.98 toni ibilionin 265.
- Kiyatakinos aswamisinei nuka ekontrakt nuijaanakinio ikaapunin lueraas luka Uganda.
- Aijulakinet toma na Esuula lo lpugatere lsuban Luka Lokasuban Luedumununere abar anyoun kadoketait na 51.
- Aiyatakin na isirigin luedumununei apugan kotoma akinyet ka ekwam loinoka kede 2 kangul 100.



# 6

## Aitopol Nuka Eilat/ Eelatok



### Ne ijai oni kopana

Ejaas Uganda ka arereng naepol noi toma agwelanar naikamunit eilat/eelatok, kacut kotoma osapalin, ononosio ka aiboisio nuakolo. Enonok ajenunet na Uganda, nada elomunit kotupitete ejautene loakolo, politiks ka iriongeta luyemuto ido mam erai naerasakitai ajenun kakwapin kere kwape aiboisit naebeit eelatok adolenen.



### Ne ikoto oni ajaikin

- Aiyatakin aisup naka Uganda araun akwap naekotos ikelatok adolunun.



### Eipone loitemokitor oni aidol ngina

- Aitopol agwelanar naikamunit eilat lo ikelatok lukotoma na akwap wok ka luelomununete kakwapin nukokinga.
- Aiyatakin aiduk iboro luikamunitos eilat.
- Adukun, aidar ka aitanyanyaar iboro ka aijaanakin nuikamunitos agwelanar naikamunit eilat.
- Adukun emono loka ikeswamak lu epirika ka aanyun ebe ejok ejautene kotoma aswam kanukec.
- Aikeun eipugae, arucokina ka eyaitene loka ewai lo agwelanar naikamunit eilat.



### Aijulakinet naimoot oni

- Aiyatakin na apiai nuedumunune apugan kotoma agwelanar naikamunit eilat anyoun kosirigin lu America ibilionin 1.45 toni ibilionin 1.862.
- Aidar enaaba loka ikeswamak kotoma agwelanar naikamunit eilat korai itunga 667,000.
- Aiyatakin apiai nuedumuni apugan kanejaingin ikelaton anyoun kosirigin (*dol/as*) lu America 1,052 toni 1,500.
- Aidar enaaba lo ikelatok luedolununete kolomunitos ko US, Europe, Middle East ka Japan kosalakitos eraas itunga 225,000.
- Aiyatakin einer loka ikelatok luisialaete aijar kotoma na ikelatok kere anyoun 20.1 kangul 100 toni 30 kangul 100.
- Aiyatakin enaaba lo aporonoreta nu idegei eitena toni Europe ka Asia anyoun 6 toni 15 ngolisabiiti.



### Nuilosi oni aswam kanu aidol ngina

- Airereor ka aisilosikin ainapetai na akwap wok kere naikamunit agwelanar eilat.
- Aitanyanyaar, aikeun adoketai ka aidar iboro ka aijaanakin nuikamunitos elose kanu agwelanar naikamunit eilat.
- Aitanyanyaar iboro luikamunitos eilat ka aitodunun aiboisio nuejaas ka arereng naepol airiun ikelatok kakwap wok kere.
- Aisilosikin ainapetai naka nuisisinakina kosomero loitutuonorere ikesisiak kakiro nuka ioterin ka eilat (Uganda Hotel and Tourism Training Institute).



### Ipurojekitan luepolok

- Aitopol Akongu Nailibunitor ecilet loka Nile ka lukono luko Kagulu.
- Aitopol irotin luka elose luitwasamao kanu ikelatok aitwasam.
- Aitopol iboro kanu ikelatok luelosenenete Moru lo Rwenzori.
- Aitopol iboro kanu ikelatok luelosenenete Moru lo Elgon.
- Aitojok ka aikeun adoketai naka alaro na idegei na ejai Kidepo.



**USD ibilionin  
1.862**

*Apiai nuemunoi apugan adumunun ngolikaru kotoma agwelanar na eilat*



7

# Eyaitene Lo Isuban Luka Lokasuban Lueyaunete Abar, Ejautene Lo Isuban Luka Lokasuban Lukilukunitos, Aijulakin Na Ikwamin Ka Etepe Lo Edou, Alupok Ka Akipi



## Ne ijai oni kopana

Asesen Uganda aitidisiario naepol noi na amagoron, amunaario ka alomar toma na arootin ka aiyatakin na ingungeta lu amaria alupok. Ayau na aijesun kwap na aitolomununo na iboro kotoma akoru, aiyatakin na ingungeta lu alupok, aiyatakin na amamus ayuara kowai lo inyamat, aikeun na adekanakin ka ikur lu iraan ka atwaniar iboro luegelegela luejarete.



## Ne ikoto oni ajaikin

- Aitidisiario na amunaario na ejautene lo isuban luka Lokasuban lukilukunitos ka atiokisio nu eroko noi nu itolomunit aijulakin naka ikwamin ka etepe lo edou ka aitwasamao na isuban luka Lokasuban lueyaunete abar kanu apol koipone lo ebusi.



### Eipone loitemokitor oni aidol ngina

- Aanyun ebe ejaasi akipi numunon nu elaete adoketait najokan kanu aitwasam kaswamisinei kere.
- Aiyatakin amagoron, ikito ka arootin, ainyakakin ejautene lo iukono luelarongoros ka ayuarit aiboisio nukomoru ka nuiyakina nueja amonieik nuedakas ibaren.
- Aitogogong eitwasamae ka eyaitene lo alupok.
- Aidar arai ainyakakin ejautene loka isuban luka Lokasuban lukilukunitos kolaete, kongalete, ido kitolomununei abar.
- Aitopol adukun angirikit atiokisio nu ayau aijulakin na ikwamin ka etepe lo edou kede aisiricunun na ikwamin lueroko kimoriarite itunga kere kadoketa kere.
- Aitidisiar atwaniar itunga ka akerianut kanu akangasia ka atiokisio nu akwap nu engesununos.
- Aiyatakin etiai lo isirigin luedumununo ka aswamisinei koipone lo aitwasam ka aiyat ajokis toma akipi, amagoron ka icie isuban luka Lokasuban lueyaunete abar.

- Aiyatakin kangul 100 na elago lo erucokit ekuse ka etepe lo adiope paaran ka ejautene lo ekuse ka etepe kanu ekaru kere anyoun 30 kangul 100 toni 80 kangul 100.
- Aiyatakin kangul 100 alupok nuejaas ka abaluan nu alupok nu aiwadikaun kapugan anyoun 21 kangul 100 toni 40 kangul 100.
- Aitidisiario na ingungeta luikamanara ka alupok kede 30 kangul 100.

### Nuilosi oni aswam kanu aidol ngina



- Aitojok arucokina, aitutub ainapeta, aipugat ka aimaniman na abar na ejai akipi kaiboisit naigaununotor.
- Angetakin akorar otunga ka aimorikikina na Eipone lo Ayait Akiro nuikamunitos Alupok.
- Adukun apedorit acamun aijar ka ationis na ayau aijulakinet na alomaki ekuse ka etepe lo edou ka iponesio luitidisiaret ationis na.
- Aiyatakin aibwaikin apiai toma aiyat ajokis toma ojautene lo isuban luka Lokasuban lukilukunitos ka aijaanakin naitolomununei nesi.




### Aijulakinet naimoot oni

- Aiyatakin enaaba loka iriongeta luetingitos akiro nu akipi - luijaanakinete, lu ekoranarete ka lueyaitos nu aleleanar ebar ka akipi nuarokok aingadanar awai.
- Adoketait na aila na akipi.
- Aiyatakin na alupok nu erapitos amagoron anyoun 9.1 kangul 100 toni 15 kangul 100.
- Aiyatakin na alupok nu erapitos isama ka arootin anyoun 8.9% toni 9.57%.
- Aiyatakin na itunga luitingitos abaluan nu erimaaritotor aireeonor na aijulanakineta nelomakinete isuban luka Lokasuban lukilukunitos ka nejai ateker anyoun 40 kangul 100 toni 90 kangul 100.
- Aiyatakin aibecokina na akiro nuitolomununete ipiriotin luipimaete ekuse lo ikwamin ka etepe lo edou anyoun 21 kangul 100 toni 40 kangul 100.

### Ipurojekitan Luepolok



- Airaio na ikito katutubeta kere kakwap wok kere.
- Agangat nejai akoranario na akipi ka aila toni ocaaloi.
- Aimario naidul na alupok.





# 8

## Aitopol Aswamisio Nu Ikulepek Lumam Eraas Lu Apugan



### Ne ijai oni kopana

Aswamisio nu ikulepek lu mam eraas lu apugan kes irumiaritos agwelanar nadidi ka nako kiding-kiding (MSMEs). Karaida itojokitai elose, eringa ekadit ejai owai lo adumun akim na eki piei, akipi ka iboro luikamunitos aijuk akiro kitwasamaete akompiutan (ICT) kotoma apak, ka itiaisinei lu ikeara lu aitolot agwelanar.



### Ne ikoto oni ajaikin

- Elaagano loiyatakina toma aswamisio nu ikulepek numam eraas nu apugan kanu aiteker ngaren apolo na ebusi naimorikikit itunga kere.



### Eipone loitemokitor oni aidol ngina

- Aijesun itiaisinei luitolosere agwelanar koipone lo ebusi.
- Aitopoloor aitwasam iboro lupu atutubet kotoma ainapeta nu apugan.
- Aitogogong ejautene loisipedorit aswam ka aanyun ebe etupitai adoketa nu ibecokina.
- Aitogogong epelu lo apugan kotoma alacun aswamisinei nu agwelanar kowaitin lu akerianunt luibecokina.
- Aitogogong apedorit na aswamasio nu ikulepek lumam eraas lu apugan aiteker apol ngaren.

- Aitojok apedorit ayait ikaapunin lupu akwap wok koipone lo adumanakin kesi aijaanakinio naikamunit agwelanar.
- Ageun aibwainikin apiai toma aswamisinei nu apugan nuibecokina koipone lo ebusi nuda eyaunete ameda.
- Aitopol eidicane kiding aswamasio nu ikulepek kowaitin lu apol lu ingarenitos.



### Aijulakinet naimoot oni

- Aitidisiar einer lo iwaitin lutai luejaas toma akerianut anyoun 51 kangul 100 (okaru 2018/19) toni 45 kangul 100 okaru 2024/25.
- Aiyatakin aibaajanar apiai numam ekotore ameda nejaas aswamasio nu ikulepek kowaitin luepolok lueyaunete apol anyoun 1.5 kangul 100 kokaru 2018/19 toni 3 kangul 100 na abar kere naitolomununei akwap wok ngolikaru (GDP).
- Aiyatakin einer lo aswamisinei nu ekontrakt nuijaanakinio ikaapunin lupu akwap wok anyoun 30 kangul 100 toni 50 kangul 100.
- Aiyatakin na etiai lo iboro luegwelanario akwapin nukokinga anyoun kosirigin lu America dolas imilionin 3,450.7 toni dolas imilionin 4,973.

### Ipurojekitan luepolok

- Aijainikin apiai angadis na Uganda Development Bank, Uganda Telecoms (Ekaapuni lo Isimun) ka Uganda National Oil Company (Ekaampuni lo Apugan lo Akinyet ko Uganda) kanu kes aitolosio aswam kec.
- Aigangit ikaapunin luitolosete agwelanar kadoketa nudidik noi, nudidik ka nuko kiding-kiding tetere epedoritos ailaagan.
- Aisikwaruun epamorane lo asosaitin.


USD imilionin  
**4.973**

Apiai nu emunoi adumun koboro luegwelanario kinga



### Nuilosi oni aswam kanu aidol ngina

- Aijainikin angadisia (*banks*) nuapolok apiai kanu aibaajanakin itunga.
- Aijainakin apiai ka aitogogong aingadis na Uganda Development Bank kojaas ka adirisa naiswamai kanu aibaajanakin iketolotok aswamasio nu agwelanar kadoketai nadidi ka nako kiding-kiding (MSME).





# 9

## Aiswamaunun Iboro Kocuuman



### Ne ijai oni kopana

Ewai lo etatai ko Uganda nes irumiaritos aiswamaunun iboro kocuman, aibok ibokan ka amoru, aiduk ka iboro icie luingarakitos aswam. Erai einer kec 27.6 kangul 100 luka abar kere naitolomununei akwap wok kangolikaru (GDP). Esalit ekadit ejai toma oboro lu edukio, nedo ikearitor etiai lo aitolomunun iboro, itolitoli aitolomununo na iboro ido ijesunit apiai nu edumununete ikeswamaununak iboro kocuuman.



### Ne ikoto oni ajaikin

- Aiyatakin iponesio ka aipues na iboro luiswamaununo kocuuman kanu aburokin luegwelununo kakwapin nukokinga ka aiyatakin aipues na iboro luegwelanario kinga.



### Eipone loitemokitor oni aidol ngina

- Adukunun iboro luingarakitos aismamaunun iboro kocuuman kotoma orotin luka apol luinapunapunitai.
- Aikeun aiyasio na ajokis toma oboro luitolomununei akwap wok kanu aburokin luegwelunune akwap wok kokinga ka aikeun etiai luka ngul luegwelanari akwap wok kinga.
- Aiyatakin itunga apedorit adumun isokoonin kakwapin nukoidunyet ka nukokekwan da kere.
- Adukun ainapeta nu apiai ka iboro luitwasama kanu aikeun apedorit adumun isokoonin kakwapin nukoidunyet ka nukokekwan da kere.
- Aitogogong ainapetai na ikisila ka iriongeta kanu aigangit aismamaununo na iboro kocuuman.

100 lu abar kere naitolomununei akwap wok kangolikaru (GDP) anyoun 8.3 kangul 100 toni 10 kangul 100.

### Nuilosi oni aswam kanu aidol ngina



- Adukun aiboisio aongon nu edukio icuuman nu ibwaikita iboro kere lu ipudas kesi aitwasam koipone lo ecoit kaileleba ka lo ebusi lo ejautene lo isuban luka Lokasuban lukilukunitos.
- Aigang icuuman luejaas kopana lu iswamaete iboro ka ikee lu amukian kadekisia.
- Aitutub ka aisilosikin ikisila lupu akwap wok.
- Adukun isokoonin iwongon lu okoruon kanu aitapatan agwelanar ka akwapin nukoidunyet (kacut oikoruon ka South Sudan kede Congo).




### Aijulakinet naimoot oni

- Aitidisiar etiai loka iboro ka ikee lu amukian kadekisia luegwelununo kakwapin nukokinga anyoun kosirigin (dolas) lu America imilionin 285.6 toni imilionin 200.
- Aikeun einer lo iboro luiswamaununo kocuuman kanu agwelanar akwapin nukokinga kotoma oboro kere luegwelanario kinga anyoun 12.3 kangul 100 toni 19.8 kangul 100.
- Aiyatakin na etiai lo einer lo iboro luitolomununo kocuuman toma abar kere naitolomununei akwap wok kangolikaru anyoun 27.1% toni 28.6%.
- Aiyatakin einer lo aswamisinei nu eropit nuejaas ocuuman lu iswamaete iboro kotoma aswamisinei kere anyoun 9.8 kangul 100 toni 10 kangul 100.
- Aiyatakin einer lo eswamak luiswamaete ocuuman luka etatai anyoun 7.41 kangul 100 toni 10 kangul 100.
- Aiyatakin na ajokis na iyasio oboro luitolomununo kocuuman kwape kangul

### Ipurojekitan luepolok



- Adukun aiboisio 18 nuedukonokinio icuuman airiamun akwap wok.
- Aiduk oikoruon isokonin luegwelanarere iboro akwapin nukokinga
- Ekolero loedukere amotokan.
- Erot lo agaali loibecokina adoketai.



**EINER  
LOITEMITAI LO IBORO  
LUGWELANARA KINGA KOTOMA  
KERE LUEGWELANARIO KINGA**



10

# Aimorikikit Elose, Aduketa Ka Aijaanakin





### Ne ijai oni kopana

Elose ko Uganda nes irumiarit elose korotin ido mam eriakanara. Karaida iwotokitai ngaren kowai lo adukun elose korotin, ejai eipud lo apodokin aswam irotin lukodistriktan, otaunin ka kocaaloi.



### Ne ikoto oni ajaikin

- Kodukuno eipone lo elose loinyalinyala iponesio kimorikikina, koyuara, kimoriarite itunga kere ido kobusi.



### Eipone loitemokitor oni aidol ngina

- Aikeun noi iponesio lu elose
- Aisingarenit noi elose ka ayait iboro ejok.
- Aimorikikit eitwasamae lo alupok ka ainapeta nu elose.
- Aitidisiar etiai lo iponesio ka aijaanakin naikamunit elose.
- Aitogogong ikisila ka eiswamae kanu ajaanakin na ikamunit iboro lu elose.
- Aiyatakin arucokina na iponesio ka irotin lu elose tetere itopolori arucokina na agwelanar kotoma ka akwapin nukoidunyet.
- Adukun ka aisilosikin aijaanakin ka adoketa nuajokak nu aitodolikin aijaanakin otunga.
- Aimorikikin ka aitogogong ainapeta nu alweere kere nu ejaas kwap na Ekaapuni lo Apugan lo eyait Alweerei (Uganda Railways Corporation).



### Aijulakinet naimoot oni

- Elose loerucokina loitojokitai lo ebuni aitidisiar isawan arai apak na alosit kotoma akwap wok.
- Aitidisiar etiai loitolosere abwokon.
- Aitidisiar etiai lo aiduk irotin kangol kilomita.
- Aiyatakin enaaba lo iboro ka irotin kanu elose.

- Aiyatakin irotin luekolas anyoun ikilomitan 4,971 toni 7,500.
  - Aiyatakin irotin/alwere lumam edaunos anyoun ikilomitan 262 toni 462.
- Aiyatakin aijar na iboro ka irotin lu elose adaun ikaru 20 kanu irotin luekolas ka ikaru 2 kanu irotin luebukitai ingaroi kadoketait nasodit.
  - Aitidisiar atwanare ka aimusungunun kotoma ngol epone lo elose.

### Nuilosi oni aswam kanu aidol ngina



- Aisilosikin arucokina naimorikikit iponesio kere lu elose (aipor, alweere, irotin, akipi).
- Adumun aiboisio nuitoro/nuitwasama kanu elose.
- Aikeun iboro luikamunitos elose eiduny ka angololin nuka Kyoga, Albert ka Victoria ka ecilet Nile kanu aitapatan arucokina.

### Ipurojekitan loepolok



- Irotin luitolosere agwelanar kiding oni ka akwapin nukoidunyet.
- Aitojok irotin lokocaaloi.
- Aitemonokin alweere.
- Erot loapolon Kampala-Jinja loepatana arasi kotoma.
- Edoket lokotoma lo Bukasa
- Aitojok aijaanakin na apotipotin.

**2,529**

*Aiyatakin na ikilomitan lu irotin lu ekolas lu apugan kakwap wok kere*



11

# Aitopol Agogong Na Akim Koipone Lo Ebusi





### Ne ijai oni kopana

Agogong na akim naelomuni koboro luejarete (kwape nat akito) nes irumiarit akim naitwasamao kanu aipoyo, korai itunga 85 kangul 100 itwasamaete akito nuinoka ido 13 kangul 100 itwasamaete atotol, kacut lukotaunin ka aiboisio nukoidunyet nu irimunitos itaunin. Agogong kere na akim na ekiptei nes abwoi kotoma 1,182MW kokaru 2019. Erai agogong na akim 100kWh kangin itunganan, nedo einakit Uganda erai akwap naitwasamai akim na ekiptei na edit kakere kitiiriani ka akwapin nuce kere.

- Aiyatakina na einer lo agogong na akim na elai naitwasamao aipoyo.
- Aiyatakin aojau na iwayai lu erikoritos akim na ekiptei na agogong nakokuju (*high voltage*) anyoun 2,354km kokaru 2018/19 toni 4,354km.
- Aiyatakin aitwasamao na ekwam loinoka lo itolomunio kakwap wok.



### Ne ikoto oni aidol

Aiyatakin apedor adumun ka aitwasam agogong na akim na elai.

### Nuilosi oni kanu aidol ngina

- Adukun ipirin ka iwayai kanu ayangar akim na ekiptei toni akwapin nuka Democratic Republic nako Congo, nyakoi na Tanzania ka South Sudan.
- Acamun ageun aitwasam agogong na akim na ekiptei kanu elose kwape nat imotokan ka igaalin luitekerio kitwasamaete agogong na akim na akolong (sola).
- Aibwaikin apiai kanu adukun iboro luitolomununere ka agwelar ekwam loinoka.



### Eipone loitemokotor oni aidol ngina

- Aiyatakin apedor adumun ka aitwasam agogong na akim na ekiptei.
- Aiyatakin apolus na agogong na akim nainyolaununo.
- Aiyatakin itunga acamun aitwasan agogong na akim na elai.
- Aiteten ainapeta kowai kalo tetere itidisiari enaaba loiriongeta luejaas aswam kotomake kwape eipone loitidisiaret etiai lo akim, iyatakinete eiswamae ajokiar ka aitojok arucokina.

### Ipurojekitan luepolok

- Adukun iboro luingarakinete aitolomun ka agwelar ekwam loinoka (LPG)
- Aisia icileta lu Ayago, Oringa ka Kiba kanu aanyun arai epedorio aijerun akim na ekiptei kotoma kec.
- Aikeun adoketait na aiboisio nu akim na ekiptei na itwasamaete icuuman lu etatai.
- Aitanyanyaar ka aitemonokin ilainin lu iwayai ka akoranario na akim na ekiptei.



### Aijulakinet naimoot oni

- Aiyatakin na itunga lukokwap aitwasam agogong na akim.
- Aiyatakin einer lo itunga lu epedoritos adumun akim na ekiptei anyoun 24 kangul 100 kokaru 2018/19 toni 60 kangul 100.
- Aiyatakin apolus na akim na ekiptei naitwasamai ngin itunganan.
- Aitidisiar einer lo aitwasam iboro luejarete luinoka (akito) anyoun 88 kangul 100 kokaru 2018/19 toni 50 kangul 100.





# 12

## Aibwot Aitwasam Akompiutan



### Ne ijai oni kopana

Kotoma apak na etolosere NDP II, abu aijaanakin na adumun, aitolot ka adumun akiro kiyatak apolo 14.8 kangul 100 korai na etekerete iwaitin lu isimun ka awea na akiro (koredion, kotelebisionin). Keja ngun da, iyata abilibilio na ikisila kotoma olago ido iyata ationor, kosodi esalakit etiai lo alomar aitwasam elago ikeara noi.



### Ne ikoto oni ajaikin

- Aiyatakin alomar ka aijaanakin na ICT otunga kanu apolo na ateker ka akerianut.



### Eipone loitemokitor oni aidol ngina

- Aiyatakin iboro luikamunitos ICT airiam akwap wok kere.
- Aikeun aitwasamao na ICT kotoma aitopol akwap wok ka aijaanakin otunga.
- Aitopol aingic kotoma ICT, apwakununio ka agwelanar iboro lu apirianuto nuka ICT luitolomununete ipiriotin lupu akwap wok.
- Aiyatakin ikeswamak lu epiriaka kakiro nuka ICT.
- Aitogogong ainapetai na eiswamae, ikisila ka eipugae.



### Aijulakinet naimoot oni

- Aiyatakin elago alomar otunga (anyoun 25 kangul 100 toni 50 kangul 100), ikwamin luka etelebision luitwasamaete akompiutan ka elago (anyoun 56 kangul 100 toni 95 kangul 100), ka ewaya lo apolon loerucokit iriongeta lu apolok lu apugan, ludidik ka ikodeta ka iyapesin lu apolok lu idistrikitan.
- Kodolite ewaya loapolon lo erucokit iriongeta lu apugan 90 kangul 100 kosipiidi lo mam ijesun kwap na 8 Mbps.
- Aitidisiara na etiai loka iboro luikamunitos ICT ka aijaanakin na ICT (etiai lo elejaleja loka Mbps ediope kangol elap loka elago kosokoni).

- Adukunio na aswamisinei 30,000 nuetacere eropit eitena kangol ekaru kowai loka ICT.
- Aiyatakina na iboro luitolomununio kapirianuto nuka ICT ka agwelanario kec anyoun 72 toni 282.
- Aijaanakinio na apugan aitoritor olago korai 80 kangul 100.

### Nuilosi oni aswam kanu aidol ngina




- Aisiekaar ewaya loapolon loerikorit elago arucokin ka airiam akwap wok kere kepadicasi ka ikaapunin luka ikulepek lumam eraas lu apugan.
- Aitolomikit aitwasamao na ICT toma owaitin kere luka akerianut ka aitodolikin aijaanakin na apugan otunga kitwasamaete akompiutan ka elago.
- Aitogogong ayuara kotoma aitwasam elago.
- Adukun ikeswamak lueraas ipiriotin luicasitos kotoma ICT.


### Ipurojekitan luepolok



- Alaro na IT na airiamun naemorio.
- Isuulai arai ka Anyukutan nuejenere Akwap wok ijukio ibaluan ka Aiteten Eipone loejenere Aiboisio nu Akwap wok kamaapun.



**KANGUN 100 NUKA AIJAANAKIN NA APUGAN KITORITERE OLAGO**



**ENAABA LO AIBOISIO NU ALOMA AITWASAMAO NA ELAGO NEKEC**



# 13

## Aiboisio Aijulakin Araun Itaunin Ka Aiduk Itogoi Koipone Lo Ebusi



### Ne ijai oni kopana

Kadoketait na 18 kangul 100, mam esipiidi lo ikeara lo epolooto aiboisio nuko Uganda araun itaunin iriamara ka apedorit na apuganasia nukokwap aitutub ainapeta ka eyaitene kec. Aiboisio nu eraas itaunin kes eraas nu ipu itunga inyutakina, eroko irotin ka iboro luitwasama ido mam akipi, alemanario na ebar ka agasia edolitos.



### Neikoto oni ajaikin

- Aiboisio nueraas itaunin lu imoriaritos itunga kere, kolomununei abar kotoma ido kibus aiboi kotoma kec kanu apol na ateker ka akerianut.



### Eipone loitemokitor oni aidol ngina

- Aikeun arerengessio nu akerianut kotoma oibugai ka aiboisio nu eraas itaunin.
- Aitopol agwelanar na ikamunit itogoi kotaunin.
- Aitopol ibugai ka itaunin lupiria kimoriaritos itunga lu iponesio kere.
- Aitogogong eiswamae, eipugae, aitutub ainapeta ka apiai kanu itaunin.
- Aiteten adoketa nu aswam korionget Loapolon lo eyait Eibuga Loapolon Kampala ka Akiro nu lbugai ka luce iriongeta lu apolok lu apugan kanu aitotot ejok akiro nu ikamunitos ibugai kakwap wok.



### Nuilosi oni aswam kanu aidol ngina

- Aigang adukunio na icuuman luitolomununete iboro kitwasamaete agogong na itunga, aijaanakin ka ipurojekitan kanu adukun aswamisinei nuetacete iropito.
- Aiswamaun ka aisilosikin ainapeta na ebeit aitotot kanu adukun itogoi lu edolitos lu epatana ebeei.
- Aidar ka ainyakakin iboro lu eyaunete abar kotaunin ka aiyatakin ataparin nu ijuanarete ekwam loka carbon.
- Aisilosikin ainapeta na aitopol akerianut kotoma Aiboisit na Oibuga Loapolon lo Kampala.




### Aijulakinet naimoot oni

- Aitidisiar amamus na aswam kotunga lu iboyete kotaunin anyoun 14.4 kangul 100 toni 9.4 kangul 100.
- Aitidisiar ekadit loepol noi lo itogoi imilionin 2.2 kede 20 kangul 200.
- Aitidisiar enaaba lo itunga kangul 100 lu iboyete kaiboisio nutai ka numam apedorosio itemokitos kotaunin anyoun 60 kangul 100 toni 40 kangul 100.
- Aitidisiar isawan lu edauni itunganan elosi kangol kilomita Koibuga Loapolon lo Kampala anyoun kodakikan 4.1 kangol kilomita toni 3.5 kangol kilomita.
- Aiyatakin na einer lo irotin lu eraas ekolas kaiboisio nu eraas itaunin anyoun ikilomitan 1,229.7 toni ikilomitan 2,459.
- Aitojokaario na eipone lo elemanarere agasia anyoun 30 kangul 100 toni 50 kangul 100.



### Ipurojekitan luepolok

- Aiboisit na Oibuga Kampala na ipu itogoi inyutakina kopatana ebeei.
- Aiteten aiduk aiboisio nu iboyoto itunga nutai ka numam apedorosio itemokitos.





# 14

## Aitopol Itunga Araun Eswamak Lueyaunete Ajokisio



### Ne ijai oni kopana

Uganda nes ejaas ka itunga lueringa edisiak kokaru lu apolou kitiiriani ka akwapin kere. Eswamai nuejokuka kotoma angaleu naka nuatoto ka idwe, konye eringa atwanare na idwe ka akadit na inyamata luibecokina ikeara kuju. Kadoketait na itunga luapolok (ikaru 19 toni 64), apoloor aimony kanu iyatatar adekasinei numam ikopas. Abaagat naepol na ejai kowai lo ipiriotin lu adoketait nakokwap ka nakokuju kanu amukian adekasinei numam ikopas nuiyatas ka adekasinei nuikopas nuetioko iponesio kec nes itukurianit aimedaun kowai lo angaleu ka akerianut na Uganda.

- Aitolomun ikeswamak lu ejai aijen, apirianut ka ayongit ikisila lu aswam (kolosikitete noi nejai sayans ka apirianut kotoma otatai, aisia ka aitutuonor naikamunit etatai; ka aboliasio).
- Aiteten sayans, etatai ka apwakununio na apirianuto (nepepe ka sayans, etatai, ka aimar kotoma aisia nakosomeroi).
- Aitojok angaleu, ayuara ka eyaitene lo angaleu na itunga.
- Aitidisiar ereret lo ationis ka amamus airiakanara kiding angor ka ikiliok kotoma apak na aijar.
- Aitopol aboliasio, aisial, ka aisianakinio naka arionor amori ka akuan.



### Ne ikoto oni ajaikin

- Aitojok eipone lo aswam na ikeswamak kanu aiyatakin ailaagan ka aitojok adoketait na aijar kanu itunga kere.

### Aijulakinet naimoot oni

- Aiyatakin einer loka ikeswamak lu ijularos aswam aswamisinei nu ibusiak anyoun 34.5 kangul 100 toni 55 kangul 100.
- Aimonikina naiyatakina naka ikulepek ikaapunin kanu aitutuorio naedumanakinete isomeroi luka etatai ikeswamak anyoun 40 kangul 100 toni 60 kangul 100.
- Ikaru lu iyatakina lu ejaunor ikesisian osomero.
- Ikaru lu aisia lu ijulakitai kanu ajaut osomero anyoun ikaru 6.1 toni 11.



### Eipone loitemokitor oni aidol ngina

- Aitojok apeteta kanu aitopol itunga araun eswamak lu eyaunete ajokisio.



### Nuilosi oni aswam kanu aidol ngina


- Aitogogong ekale kanu aitidisiar amumu kokalia, aimikit idwe ajokisio, amoromoro ka aitwasamao na idwe erono.
- Adukun esokoni loiswamai loka ikeswamak.
- Aiyatakin aikisio na ikatoi kanu adekasinei nuka idwe.
- Aisilosikin aisia, airereo ka aimanimanio na isomeroi korai naisiperorit ICT.
- Aisilosikin Ainapeta na Apugan na aitiji Adukonokin na Idwe ka Apotuunun na Apesur nuedisiak.
- Adukun Ainapeta nuidulok nu apugan ka iriongeta kanu Aitopoloun Ikeswamak Luitolomunete Ajokisio.
- Aitegear aitutuor akiro nu etatai adaun ekaru ediopet arai adepar na ejai ngin esisian aswam nepe edauni asioman na sinia naikanyetape (S6).
- Aitidisiar apolus na adekasinei nu ikopas, kojai apodokit noi ngun nu idila noi aitapas itunga.
- Aitikokin ka aitikitik Adekasinei Numam Ikopas.
- Aitojok aswam kowai lo angaleu.
- Aitojok aijaanakin na ikamunit angaleu naka nuatoto, atumunak ka idwe.
- Aiyatakin itunga adumun akipi nu eyuara, asegara ka aila.
- Aitojok enyame ka ayuara na inyamat
- Adukun ka aisilosikin ainapeta nuka ikilabun luka ipiritin luka aboliasio kanu aitopol itunga alomar toma aboliasio nuiwadikauna.

- Aitidisiar aiputiinikin na idwe kwap na ikaru 5 anyoun 28.9 kangul 100 toni 19 kangul 100.
- Aitidisiar atwanare na imukerun anyoun 27 kangul 1,000 lu idounio ejarete toni 19 kangul 1,000.
- Aitidisiar atwanare na idwe lu ikaru kwap na ikaru 5 anyoun 64 kangul 1,000 lu idounio ejarete toni 42 kangul 1,000.
- Aitidisiar atwanare naka nuatoto anyoun 336 kangun 100,000 toni 211 kangun 100,000.
- Aitidisiar atwanare na eyaununete adekasinei numam ikopas (NCDs) 40 kangul 100 toni 30 kangul 100.
- Aitidisiar atwanare na eyaununete adekasinei nu ededeng nu ikopas (eimidi/emalaria, eluera/etibi ka eseny) anyoun 60 kangul 100 toni 30 kangul 100.
- Aitidisiar apootun na apesur eringa edisiak anyoun 25 kangun 100 (okaru 2016) toni 15 kangun 100.
- Aitidisiar amamus ariakus kiding angor ka ikiliok.
- Aiyatakin itunga apedor adumun akipi nu eyuara anyoun 70 kangul 100 toni 85 kangul 100 kocaalo kosodi 74 kangul 100 toni 100 kangul 100 kotaunin.
- Einer lo enaaba loiyatakina loka itunga luepedoritos adumun amukian nalleleba na ibecokina.
- Enaaba loiyatakina lo itunga lu ejaas oreret lo atiokisio lu epedoritos adumun ayuario (insurance) kotoma atiokisio anyoun 7 kangul 100 toni 15 kangul 100.
- Aitojok adoketai na aitelekaanar kolaaganoi luka aboliasio nu akwapin kere nu epedoritor Uganda aingaren.

### Ipurojektan luepolok



- Adekis naiturita noi kanu amukian adekasinei nu etau.
- Adekisia aarei nuimukeere ekansa.
- Adekisia ka aswam ka eiswamae ka aijulanario na adekak amukian adekisia nukokuju.
- Nu ipudai nuibecokina ka adoketa nukokwap kakere nu ipudakinoi kanu isomeroi lu isisianakinere.
- Apirianuto nu ipudai kanu aswam ka aitolomunun iboro.
- Eipone lo aituk ka aidar akiro nu ikamunitos esokoni lo ikeswamak.





# 15

## Apwakunun, Aitopol Ka Akorar Apirianuto



### Ne ijai oni kopana

Karaida esipokit apugan iriongeta ka isomeri luipudai, ainapetai na ikisila, ka iboro luipudai kanu aitapatan sayans, etatai ka apwakun apirianuto, eringa alosit ngaren mam erai na edolit.



### Ne ikoto oni aidol

- Aiyatakin na aitwasam apirianuto kotoma aitolomununio na iboro ka eipone lo aitodolikin ajaanakin otunga kitwasamaete adukunio naka eipone loka STI lo erucokit ejok noi iboro luejarete.



### Eipone loitemokitor oni aidol ngina

- Adukun ka aisilosikin adoketa nuitodolikinere aijaanakin otunga kanuka sayans, apirianuto nu etatai ka apwakunun.
- Aitoploorit sayans, apirianuto nu etatai ka apwakun nepepe ka sayans, apirianut na etatai, etatai elope ka aimar kotoma aisisa kosomeroi.
- Aitogogong aingic ka apedorit apwakunun ka aitwasamao na apirianuto.
- Aiyatakin apwakunun, akorario ka acamun aitwasam apirianuto nu etatai nu ibecokina ka aitemokin.
- Aitojok ainapetai na ikisila, iriongeta ka eipugae.



### Aijulakinet naimoot oni

- Aitojok adoketai na Esuula lo Apwakunun apirianuto Kakwapin kere (*Global Innovation Index*) anyoun 25.3 toni 35.
- Aiyatakin etiai lo ikapun kere lu ibwaikitai toma aingic ka apwakun kwape einer kangul 100 loka abar kere na itolomununei akwap wok ngol ekaru (GDP) anyoun 0.4 kangul 100 toni 1 kangul 100.
- Aiyatakin apiai nu itwasamao kowai lo aitopol agwelanar nejai aingic ka apwakunun kwape ngul 100 na GDP anyoun 0.01 kangul 100 toni 0.21 kangul 100.
- Aiyatakin enaaba lo apedorosio nu araut ilopet iboro luka apirianuto nupwakununa nuiwadikaunos kangol ekaru anyoun 2 toni 50.



### Nuilosi oni aswam kanu aidol ngina

- Aigang ipiriotin luka asioman ka iriongeta lu itolosete aingic adumun iboro lu ingarakitos aingic ka apwakunun apirianuto.
- Adukun ka aisilosikin ainapetai na akwap wok kere kanu aikeun ka airimoria sayans, etatai ka apwakunun na apirianuto.
- Aiyatakin aibwaikin apiai ka agogong toma aingic ka apwakunun kotoma owaitin lu akerianut lu ingarenitos, kwape nat akoru, akinyet ka ekwam loinoka, ibokan, agogong na akim, angaleu ka elose.



### Ipurojekitan luepolok

- Aiboisio aongon nuka sayans ka apirianuto nu etatai.
- Aiboisio aongon nu ingarakitere itunga aitegeanar ka aitopol apirianuto nu etatai ka agwelanar.

50

*Enaaba lo apedorosio  
nu ikulepek apirianuto  
nupwakununa nuiwadikaunos  
kangol ekaru.*



# 16

## Airam Itunga Katutubetakec Ka Aijulakin Aijenekec



### Ne ijai oni kopana

Ejai amamus apugan apodokit ka araut alopet ainapeta, ibore da yen iriikit apolo. Karaida ejai airiamit akwap wok kere na 'itunga akote agangat na apugan kangin ibore kere', ejai da eipone lo ikeara kuju lo itunga luko Uganda apodokit noi ipudesia kec lu idiopediopen adepar icie ibore kere.



### Ne ikoto oni ajaikin

- Ikalia, itunga katutubetakec ka itunga luka Uganda luitogogongitai atunakit toma aijara kec iponesio luajokak lu akwap wok ka alomar aswam nuka aitopol akwap koipone lo ebusi.



### Eipone loitemokitor oni aidol ngina

- Airam ikalia, itunga katutubetakec ka itunga luka Uganda kere kanu aitopol akwap wok.
- Aitogogong apedorit na iriongeta kadoketa kere kanu airam itunga katutubetakec koipone loejok.
- Aitopol ka aisikapikin otauon lu itunga aitapoet na akwap wok ka iponesio lu ajokak.
- Aitidisiar aswamisio nu eroko nu ipitenio (inonosio) ka aijen naronon na ipitenio (inonosio).



### Aijulakinet naimoot oni

- Aiyatakin enaaba lo itunga lu ejenete nu ikamunitos ainapeta nu apugan ka nu atutubeta anyoun 30 kangul 100 toni 90 kangul 100.
- Aiyatakin ikalia, itunga katutubeta ka itunga luka Uganda alomarit toma aswam na ainapeta nu apol kede 80 kangul 100.
- Aiyatakin aitijenarario na ainapeta nu apugan koriongeta lu iyemuto (oredion, otelevision, apapula, ka acie da).
- Aiyatakin emoyo lo aitodunun eitwasamae lo apiai ka iboro ka aidelel kotoma aswam.
- Aiyatakin ikalia aimono ka aibwaikin apiai toma agwelanar.
- Aiyatakin itunga aimedaun kotoma ainapeta nu aisia, angaleu, ayuarit idwe, aijaanakin naikamunit itunga, akipi ka asegara, ejare kotunga lukokwap cut.
- Aiyatakin enaaba lo itunga luapolok lu ejenete aisiom ka aiwadik anyoun 72.2 kangul 100 toni 80 kangul 100.
- Aitidisiario na ikisila luka ipitenio (inonosio) ka aswamisio kec nu isidikete amamus ariakanara kiding angor ka ikiliok.



### Nuilosi oni aswam kanu aidol ngina

- Aitemokin ainapeta it naerucokit airam ka aitogogong itunga katutubeta kec.
- Adukun ka aisilosikin ainapeta na akwap wok kere na aijaanakin.
- Aitolot oworo lo isisianakinere itunga ka aisilosikin ikisila lu itutubio kanu aitikokin aswamisinei ka aiyuuneta nuarokok nuka idiinin ka ipitenio (inonosio).



### Ipurojekitan luepolok

- Ainapeta na Aijaanakin na Akwap wok kere.
- Adukun na aiboisit naitolomununere iboro kakwap wok kere.
- Ainapeta na aitutunor na Akwap wok kere.





17

## Ainapetai Na Eipugae Ka Ayuara



### Ne ijai oni kopana

Adau apugan aswam na epol noi na aitudeng aitukurianio nakotoma ka na elomunit kokinga nejai ayuara ka ainapakina na akwap wok.



### Ne ikoto oni ajaikin

- Aiyatakina na arimaarit apugan na etupitere ikisila ka apedor na aitikokin aitukurianeta nuejaas ka nu elomununete nejai ayuara.



### Eipone loitemokitor oni aidol ngina

- Aitogogong apedorit na iriongeta lu ayuara atingakin ka aitukurianeta nejai ayuara.
- Aitogogong eiswamae, ikisila ka iriongeta kanu eipugae ka ayuara na iswamai ejok.
- Aitogogong ayuara na eyaitos itunga da ikulepek, aitutubio na ikisila, etube, ikisila, ka eipone lo itodolikinere ainapakina otunga.
- Aitogogong itunga lu akwap wok alomarit aswam nu ikamunitos eipugae loilajaara loeseunitos kesi ikulepek lo erai lokec ido kanukec.
- Aitogogong arimaarit ka aisilosikinio na Aibunget na Uganda na Apedorosio nuka Itunga.
- Aikeun aidario na ikamecak ka eyaitene loka ikabwotak toma ka kinga na akwap wok.



### Aijulakinet naimoot oni

- Aitojok eipone lo esesenjata itunga kere ecamusana kanejaas ikeswamak kotoma oriongeta lu apugan.
- Aikeun eipone lo ipimaere eipugae loka demokurase kakwap wok anyoun 6.5 kangul 100 toni 8.6 kangul 100.
- Aiyatakin apiai nuitwasamao kanu aingic ka apol kotoma ayuara anyoun kosirigin luka Uganda ibilionin 7 toni ibilionin 10.
- Adolokin 25 kangul 100 na itunga lu elomaritos aijaanakin kotoma apugan kokaru 2025.



### Nuilosi oni aswam kanu aidol ngina

- Aitogogong apedorit atingakin ka abilibilio na ikisila na etiono eiponeke na euta alomun, kwape nat abilibil ikisila kitwasamaete elago.
- Adukun iboro luibecokina aingarakina aitutub ikisila, ayuara, etube, ikisila, ka ainapakina.
- Adukun ka aisilosikin ainapetaait na aijaanakin na akwap wok kere.
- Aikeun ejautene lo aijar ka itogoi lu eperete isirikaalei ka itunga luidarete ayuara.
- Aitogogong aidar ka ayuara koikoruon.
- Aitogogong eipone lo atereinikin aitiji asuronokinio na ikabenyak lu odwaratau.
- Aitogogong iwaitin luisunyakinerere aikwenyar alomun na ationis ka lu erurukere aitemokin.
- Aitogogong aitikokinio na akokoanar itunga ayanganar aiboisio ka akwapin acie.
- Aitogogong aitikitik ka eyaitene loka imuudun ludidik ka luebenen.
- Aitogogong aingic ka apol kanu aitemonokin aitukurianeta nuelomanakinete ayuara.

# SAY NO TO CORRUPTION



## 18

## Aijulakin Aswamisinei Kotoma Apugan



### Ne ijai oni kopana

Eswamaun ber adis alosit ngaren kanu adukun aijaanakin ka adoketa nuibecokina kanu aitodolikin aijaanakin otunga nuda aitwasamao aipimaa ka aridakitor ikeswamak luka apugan aitacaunun eitwasamae lo apiai ka iboro lu apugan. Mam nu, keja ngun da, itodolikina nejai apugan kere ido kanejaas da mam etupakitai kokisila.

### Ne ikoto oni ajaikin

- Ikeswamak apugan aitemonokin nu aisimonikin ipudesia lu itunga ka ikaapunin lumam eraas lu apugan lu akwap wok.





### Eipone loitemokitor oni aidol ngina

- Aitogogong aitacaununo na eitwasamae lo iboro lu apugan kanu akiro nuajokak alomun kapugan kere.
- Aiteten edukune lo apugan kanu aitodolikin aijaanakin koipone lo ejok.
- Aitogogong eipone lo eyaitere ikeswamak luka apugan kanu aitojok aitodolikino na aijaanakin otunga.
- Aidulokin agitakinio na apugan nejaas apuganasia nukokwap ka itunga ikulepek lu akwap wok ajaut toma aswamisinei nu aitopol aiboisio kec.
- Aiyatakin aitacaununo na eitwasamae lo iboro lu apugan ka aidelel kotoma aswam itodolinikinio aijaanakin otunga.
- Adukun ka aisilosikin kokisila aijaanakin ka adoketa nu ibecokina kanu aitodolikin aijaanakin otunga airiam ikeswamak lu apugan kere.



### Nuilosi oni aswam kanu aidol ngina

- Adukun ka aisilosikin kokisila aijaanakin ka adoketa nu ibecokina kanu aitodolikin aijaanakin otunga airiam ikeswamak lu apugan kere.
- Ageun aipitunun ikejaanakinak lu apugan koipone lo aitorio kesi toma aitutuorio kotoma akiro nu amina akwap wok ka aijaanakin kapugan adaun apak na eoj.
- Aisilosikin Ainapetait na Apol na Itela (Eparis Debelopment Modol).



### Aijulakinet naimoot oni

- Aiyatakina na esula lo ipimaere eiswamae lo apugan anyoun 0.52 toni 0.01.
- Aitidisiara na ecamusana kwape ipimaere kede esula loesesenere ecamusana anyoun 26 kangul 100 toni 35 kangul 100.
- Aiyatakina na Uganda araun akwap na isupi itunga abunere aibwaikin iboro ka apiai ageuna ka aitolosio agwelanar kwape ipimaere ka Esula lo Ailaagan lo Akwapin kere anyoun 48.9 toni 55.



# 19

## Apol Kotoma Ariino



### Ne ijai oni kopana

Alosikit NDP-II aitidisiar ibakor anyoun 19.7 kangul 100 kokaru 2012/2013 toni 14 kangul 100 kokaru 2019/20. Keja ngun da, ajaas ibakor 21.4 kangul 100 kangetakinet na apak na ainapetai kangin. Eiyas lo ibakor nes ikeara noi kakere ko Bukedi, Busoga ka Teso.



### Ne ikoto oni ajaikin

- Eiyas ka apol na akerianut na ariino na elosi ngaren atipet koipone lo eriana.



### Eipone loitemokitor oni aidol ngina

- Aisidik eiyas lo akerianut kitoritere toma agwelanar iboro lu elomunete kotoma akoru.
- Arapanakin abaagan nuejaas toma oboro lu ipudas adukokino ariino.
- Adukun ka aitogogong adoketa nuerikos nu aiyat ajokis oboro lugwelanara kariino.
- Aitogogong aipimao na aswam na ikeswamak ka ainapeta nu eyaitene kanu

engarenok lu apuganasia nukokwap ka eyaitene loka ikeswamak lu apugan kere.



### Aijulakinet naimoot oni

- Aitidisiara na ibakor kariino nu iyapete kokau - Karamoja, Bukedi, Bugisu, Busoga, West Nile, Acholi, Teso ka Bunyoro.



### Nuilosi oni aswam kanu aidol ngina

- Aitemokin akoriok ajaun toma opamorane lo asosaitin kodistriktan.
- Adukun iponesio ka ataparin nuicocoere akipi oraan kanu apedor aitolomunun isakan ekaru kere.
- Adukun irotin adolio ocaalo ka lu epedorete amotokan aitorit kanu adolio igwelara osokonin.
- Adukun ka aisilosikin ainapeta nu apol nu itebeikitai kangin ari.
- Aitegear aitwasam amakesin nu ipimaere aswam na apuganasia nukokwap.



# 20 Aitolot Etube



## Ne ijai oni kopana

Eyatakin amun na itunga nejaas iriongeta lu etube, ikisila ka ainapakina anyoun 49 kangul 100 toni 59 kangul 100 ageun okaru 2016. Keja ngun da, esalitos isulai lu ijեսuna kwap kanu iducokitor etube aiyapenen kosodi ekadit edumune lo aijaanakin itunga.



## Ne ikoto oni ajaikin

Aitojokio na adumun etube lo adieketa kanu itunga kere.



## Eipone loitemokitor oni aidol ngina

- Aiteteun ka aitogogong eipone lo itolosere aswam na adieketa nu etube.
- Aitogogong iponesio lu aitodolikin otunga aijaanakin na etube koraas lu ibwaikitos itunga kiding.
- Aitogogong ainapeta nuka eipugae ka iriongeta kanu aitodolikin etube otunga koipone lo ejokuna noi.
- Aitogogong ejie lo aitikokin ecamusana.



## Aijulakinet naimoot oni

- Amun naiyatakina nejai eipone lo etubere imusagon.
- Etiai lo itidisiara lo etaci nginitunganan kanu adumun aijaanakin naikamunit etube.
- Apak na itidisiara kanu aijaikin etube.
- Aiyatakina na aiboisio nuijainikinere etube.
- Aiyatakin adoketait na esula lo ipimaere aibwo na ayaitok nu etube bon komam eriitos ewai ediopet kodeparite 3.8 (kakwap kere).



## Nuilosi oni aswam kanu aidol ngina

- Aitaraun iriongeta lu etube ka adieketa lu itwasamaete acuman nu atipet ka aimorikikin iponesio lu eyaitere akiro toma kec.
- Aitogogong adieketa kanu aitemonokin ingungeta (imusagon) kaiboisio nuitegelikina, aimoriarit nu alupok, ikalia, ejautene lo isuban luka Lokasuban lukilukunitos, ka aitub etacit.
- Aiduk ka aibwaikin iboro luitwasama aiboisio acie nu itolosere nu aijaanakin na ikamunit etube.
- Aisilosikin ainapeta nu itegelikina kanu aitopol ariakanara na arerengeso kanu aitidisiar ereret lo ationis kanuka ngul lu iyegelel ejautene.
- Aitogogong eipone lo adumanakin itunga agangat kotoma okisila ka ipuliidan luetaci apugan.
- Aitogogong aitikokinio, aidetun, aingic, atingakin ka aitub imusagon lu ecamusana.



# 21

## Aitutub Ikisila, Aimaniman Aswam Ka Abwoikit Itunga



Ne ijai oni kopana

Itwasamai Uganda eipone lo eipugae loka demokurase lo ebwoikitere itunga neda aseununata itunga lu akwap wok engarenok kec kadoketa nuko kwap ka nuko kuju. Ibusakit abwoikitok itunga kokaasulon lu apuganasia nuko kwap ka Airabet napolon aimaniman

aswam na ikeswamak lu apugan kadoketa aarei nu apugan, nako kwap ka nako kiding. Konye akadit na aisimonikina kotoma oipugae lo ipatei, aiyap na aitolomunun ikisila luejokitos aitemitemio kotoma Airabet, amamus ikaasulon apedorit ejok aitolot epelu loititingitos apedorosio kesi, ka aijen na ekadit na ikamunit aisilosikino na aitutuketa nuka akwapin kere nuidokit Uganda akan araut adiopet kotoma kes esalitos eraas ainingosit.



### Ne ikoto oni ajaikin

- Aitacaununo na eipone lo itwasamaere iboro ka apiai nu apugan kanu eipugae ka apol na ejokuna noi.



### Eipone loitemokitor oni aidol ngina

- Aiyatakin aswam kopatana ido kojokuna noi kotoma aitutub ikisila kairabeta kanu aitojok demokurase ka eipugae loajokan.
- Aitogogong epelu lo aimaniman aswam, airere ka atiakatiak ebajet.
- Aitogogong abwoikino na itunga kadoketa nu akwap wok, na akwapin nukoidunyet ka nu akwapin kere.
- Aitogogong apedorit na Airabet na apolon ka ikaasulon lu apuganasia nukokwap aibwo bon aitotlot aswam na einakit ekonstitution kesi koipone lo ejokuna kopatana noi.



### Aijulakinet naimoot oni

- Aitojokara na demokurase na etupit ekonsitution kwape ipimaere kede aitemesit naka Demokurase anyoun 4.94 (okaru 2020) toni 6.50 (okaru 2025).
- Ariamara na itojokaritari kiding ebajet loka ngol ekaru ka ainapetai na NDP-III anyoun 60 kangul 100 toni 85 kangul 100.
- Aiyatakina na itunga lu akwap wok alomarit toma aswam na airabet napolon kwape ipimaere kede Amakesin nu ijaiknete Itunga lu Akwap anyoun 53 kangul 100 (okaru 2021) toni 65 kangul 100 (okaru 2025).
- Aiyatakina na itunga lu akwap wok alomarit aswam kotoma adoketa nu itolosere ase.



### Nuilosi oni aswam kanu aidol ngina

- Adukun/aikeun iponesio lu aswam kanu aisuburikit aswam na airabet napolon ka ikaasulon lu apuganasia nukokwap.
- Aiyatakin itunga alomarit toma adoketa nu itolosere ase ka aswamisinei nuce nu apugan kadoketa kere.
- Aitogogong itunga lu akwap wok ajaut einer ka alomarit aswam kadoketa nu aitutub ikisila.
- Aitogogong apedorit na ikaasulon lu apuganasia nukokwap aitemitem ka aitutub ainapeta ka ibajetin.
- Aitogogong Airabet napolon apedorit kodoco aitotlot epeluke kotoma adoketa nu aiswamaun ebajet kanu aisilosikino ejok aswamisio nusingarenit ainapetai na NDPIII.
- Aitogogong epelu lo Airabet napolon lo aimaniman aswam na ikeswamak lu apugan.
- Adukun ainapetai na egogong kanu arucokina aineranar kiding Airabet napolon, ikaasulon lu apuganasia nuko kwap ka aseak.



# 22

## Aisilosikin Ainapetait Na Apol



### Ne ijai oni kopana

Eswamai nupo etamitos kanu aitutub ainapeta nu ibecokina, konye ijjesuna apedorit aitutub ainapeta. Ipudai aitogogong aiteten ebajet kiriamara ka ainapeta.

### Ne ikoto oni ajaikin

- Aiyatakina na aswam kopatana ido kojokuna noi isilosikino ainapetait na NDP-III.



### Eipone loitemokitor oni aidol ngina

- Aitogogong apedorit aitutub ainapeta nu apol.
- Aitogogong aitolomununo na ebajet ka atukio na apiai ka iboro luitwasama.



- Aitogogong apedorit na aisilosikin ainapetai na kanu aanyun ebe ediikitai aijen toma aitolomun akiro nu ajokak.
- Aitogogong ainapetai ka iponesio lu arucokina, aimaniman ka aijainikin iripotan.
- Aitogogong apedorit na eipone lo idarere isuulai kere lu akwap wok kanu atukun akiro nu ingarakinete apol na akwap wok.
- Aitogogong aingic ka aipima aswam kanu aitojok aijen kotoma aitutub ka aisilosikin ainapeta.




### Aijulakinet naimoot oni

- Aitodolikino na alosikineta nu ainapetai na NDPIII komam erai kwap na 80 kangun 100.
- Aiyatakina na apol na eiyas lo abar kere na itolomununei akwap wok ngol ekaru anyoun 6.3 kangul 100 toni 7 kangul 100 arai adepar kangol ekaru.
- Aiyatakina na apiai nuetukunune apugan kangol ekaru kitiiriani ka abar kere na itolomununei akwap wok anyoun 15.6 kangul 100 toni 18 kangul 100 kokaru 2025.
- Aitidisiara na kangun 100 nu apesenin nuka apugan nejaas itunga ka ikaapunin lukotoma akwap wok.
- Aiyatakina na airiamara na ebajet loka ngol ekaru ka ainapetai na NDP-III anyoun 60 kangul 100 toni 85 kangul 100 kadoketa nu apugan akwap kere ka ainapeta.
- Aidar einer lo apiai nu itwasamao nu ibuleikino obajet (luideunos akaul na aitac iloonin) korai 3 kangul 100.

### Nuilosi oni aswam kanu aidol ngina



- Aingarakin aitutorio na ipiriotin ka airucanakin aitutorior kesi kotoma apedorit aitutub ainapeta kotoma oriongeta ka okodeta lu apolok ka ludidik lu apugan napolon ka apuganasia nuko kwap.
- Aisuburikin aisilosikino na angicunun aitemonokino na atiokisio kaimorikikina na erucokina aitub isolosinei ka aitodolikino na aijaanakin otunga.
- Aiteten ikisila lu ibecokina kanu aitogogong aipima na aswam koriongeta, aipima eiswamae ka ainapeta nudidik, nuapolok ka ipurojekitan.



**ADOKETAIT NAKOKWAP  
KAKERE NA APEDORIA NDPIII  
AITODOLIKIN ALOSIKINETA KE**



# 23

## Anapetait Na Aimaniman Ka Aipima Aisilosikin Na Ainapetait Kana

Aisilosikino na anapetait na NDPIII nes erai epelu loka itunga luka Uganda kere. Ikalia, iriongeta lumam eraas lu apugan, agwelanarak, ka ipadica luka Uganda kotoma apol kes kere ejaas ka epelu. Kacut:

Apugan nakokiding nes ebuni aanyun ebe:

- Edukuni nutupitono aswam kanu aisilosikin ainapeta 18 nu ejaas ne ido kitodunite eipone

loitodolikinet kodoco nu eseunitai aswam kanu aitemokin atonis.

- Iwaitin, iriongeta luapolok ka ikodeta lu apugan edukunete ka aisilosikin ainapeta kec kiramara ka alosikineta nuapolok ka nudidik nuka ainapeta nuka NDPIII.

- Itetenio arior iponesio luitutubere ebajet koupasi ka ainapeta kanu aanyun ebe iriamara apiai nuetubokitai obajet ka nu itutubitai kainapetai.
- Etukunio apiai ka icie iboro kanu aisilosikina ainapetai na.
- Emorio iripootan luitodununete eipone lo elosio aswam na aisilosikin ainapetai na.
- Etupakitai kokisila ikeswamak aitacaunun eitwasamae lo apiai ka iboro lu apugan.

Apuganasia nukokwap kes epote aanyun ebe:

- Edukunete kesi ka aisilosikin ainapeta kec kiriamara ka alosikineta nuapolok ka nudidik nu ainapeta nuka NDP III.
- Etupakitos ido itolomununete kesi iripootan lu eipone lo elosio aswam na aitodolikin ainapeta kec.
- Itodolikino itunga luka Uganda aijaanakinio na ejok adoketai.
- Eramio itunga katutubeta kec alomarit toma akiro nu aisilosikin ainapetai na.

Epote ikagwelanarak aanyun ebe:

- Elomaritos imeeban kec toma aswamisio nu aitolomunun ebajet.
- Aikamun arerengesio nu imarunitai kotoma ainapetai na NDP III.
- Iburaunete kesi aijaanakinio na apugan.

Iriongeta lumam eraas lu apugan epote aanyun ebe:

- Eramete kesi itunga ikulepek luka Uganda alomarit toma aswamisinei nu aisilosikin ainapetai na.
- Elomaritos kesi toma ainapeta nu aitolomunun ebajet.
- Imanimanete kesi aisilosikino na ainapetai kana.
- Iburaete kesi aitacaununio na eitwasamae lo apiai ka iboro lu apugan kapuganasia nuko kwap ka nakokiding.

Itunga kere kes epote:

- Alelakin amisiikin ainapetai na NDP III.
- Alomar toma akiro nu aisilosikin ainapetai na.
- Atupakin ka aibura engarenok kec aitacaunun eipone loitwasamae iboro ka apiai nu apugan.
- Alomarit toma akiro nu aitopol atutubeta kec.

# 18

*Nu ejaas ne ido kitodunite  
eipone loitodolikineta kodoco  
nu eseunitai aswam kanu  
aitemokin ationis*



## NATIONAL PLANNING AUTHORITY

Planning House , Clement Hill Road Plot 17B,

P.O. Box 21434.Kampala - Uganda

Tel: +256 414 250 229 / 0312 310 730



german  
cooperation

DEUTSCHE ZUSAMMENARBEIT

Published by:

**giz** Deutsche Gesellschaft  
für Internationale  
Zusammenarbeit (GIZ) GmbH

Learn more at:

 [www.npa.go.ug](http://www.npa.go.ug)



[www.facebook.com/NPAUGANDA](https://www.facebook.com/NPAUGANDA)



[#@NPA\\_UG](https://twitter.com/NPA_UG)

For any queries Email: [info@npa.go.ug](mailto:info@npa.go.ug)